



UNIVERSITÄTS-
BIBLIOTHEK
PADERBORN

Universitätsbibliothek Paderborn

Liber Theologiæ Moralis, Viginti Qvatvor Societatis Iesv Doctoribvs Reseratvs

Escobar y Mendoza, Antonio de

Lvgdvni, 1659

IX. Tempus recitationis.

urn:nbn:de:hbz:466:1-41066

præcipere. Probabilius arbitror esse necessariam; quia Ecclesia orare præcipit, ad quod attentio necessaria est. Etsi autem rectè actum internum non possit præcipere, potest planè propt subest externo. Scio in quacunque sententia sufficientem esse attentionem vel ad Deum, vel ad sensum verborum vel ad ipsa verba; hæc enim quæ minor est, confusam internam aliqualem attentionem includit.

50. *Inuoluntariè à toto Officio attentionem auerti: an tenear iterare?* Minimè; (secus si voluntariè) quia exprimens vocem præcepti substantiæ fecisti satis.

51. *An inhibent attentionem externa aliqua actiones, abluendi scilicet, induendi?* Absque crimine lethali possunt cum recitatione copulari; quia ex habitu ad huiusmodi actiones, non impediunt notabiliter. Porro necessitas te, & à veniali crimine liberaret.

CAPVT IX.

Tempus recitationis.

52. *Quoniam tempore Officij hora recitanda?* Vt à mortali peccato abstineas, sufficit recitare à media nocte vnius diei, vsque ad mediam noctem alterius, qui dies vnicus naturalis est. Vti nec veniali cœderis, & publicæ recitationi, & priuatæ tempus Horarum præscriptum est.

53. *Qui hodie non recitauit, debeo ne crastina die supplere?* Non; quia diei onus, quemadmodum ieiunium.

54. *Quodnam piaculum sit antepone, aut postponere Horarum recitationem?* Nullum ex causa; quia huiusmodi recitatio nec quoad substantiam, nec quoad modum aliqua laborat deformitate. Profectò moderata antepositio, aut postpositio v.gr. vnius aut duarum horarum, etiam sine causa & ex consuetudine venialis non est. Si autem notabilis sit, à veniali non liberatur, *Suario* auctore.

55. *Quanto tempore potest anteponi Matutinum?* Scio *Santum* infra citandum afferre ex aliquibus prima aut secunda hora post meridiem posse sequentis diei Matutinum recitari sine culpa mortali. Ego quidem, post diligenter Doctorum recognita placita, assero quarta post meridiem hora, imò tertia cum dimidia, ad summum tertia posse iustè recitari; quia vltius Romanus communisque Ecclesie mos suffragatur. Profectò omnis antepositio vsque ad secundam horam cum dimidia

636 *Moralis Theologiae Tract. V. Virtutes,*
midia supra assignatam à veniali culpa immunis non erit.
Qui autem hora prima, aut secunda ante meridiem recitaret, mortali crimine fœdaretur; quia ante tempus Vespertinum consignatum, sequentis diei Officio intempestivè operam daret. Si autem consuetudo tulerit, hora tertia, aut secunda cum dimidia post meridiem poterit Matutinum recitari sine veniali piaculo. At adhuc ad meridiem allicere privilegium, ita ut hora prima, aut secunda recitetur, non erit usus legitimus, sed abusus; quia tempus ab Ecclesia celebrationi Vespertinarum deputatum antevertitur.

CAPUT X.

Causa excusantes à recitatione.

56. **Q**uanam à recitatione Horarum causa excusant? 1. Primis excusat naturalis obliuio faciendi, (quae pene est impossibilis. 2. Breuiarij inculpabilis carentia. Si culpabilis fuit, tunc vnicè delinquitur, quando v. gr. praesens impossibilitate recitandi futura Breuiarium in pelagus mittitur; post poenitudinem autem non peccatur. 3. Loquendi impossibilitas. 4. Cæcitas. Nec tenetur Horam integram quam memoria tenet recitare, imò nec integrum commune, aut speciale Officium; quia Ecclesia praescribit variationem per ferias, ac sanctorum solemnitates. *Possum cæcus Psalms recitare, & à socio exorare, uti legat me audiente lectorem.* Potes quidem, sed non teneris. *Adest dies, cuius integrum Officium memoria teneo.* Isto solummodo teneris recitare. *Suar. me ipsum non exaudio.* Adhuc recitare teneris. 5. Grauis aegritudo, quasi corripieris, haud necessarium Medici aut superioris consilium. *Dubito de infirmitatis sufficientia.* Consule Medicum, ut declaret, Superiorem adi ut in aliquo dubij formidine dispense. *Quanam aegritudo grauis reputanda?* Febris dolor acutus seu capitis, seu stomachi, &c. *Possum aegrotans dispensium Officium, aut Horam integram recitare.* Non teneris; quia nunquam posset iudicium moraliter certum fieri quando nam aegrotus à lege recitandi omninò liberaretur, cum nullus tam aeger (communitè loquor) qui non possit Completorium recitare. *Aegritudo, v. g. Quartana & interuallum.* Afferò non liberari aegrotum diebus vacantibus à recitandi lege, nisi debilitas nimia, aut futurum damnum excusaret, *Suar. Doctore.* 6. Mortis metus, secluso scandalo, aut

iudicium

Suar.